



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-056-2/24**

Datum: **27.03.2024. godina**

«Agencija za vodno područje rijeke Save» Sarajevo rješavajući po zahtjevu pravnog lica „PGL-PROTECT” d.o.o., Lukavac za izdavanje prethodne vodne saglasnosti za izgradnju objekta čija je namjena skladištenje materijala i gotovih proizvoda-guma u naselju Bistarac, Grad Lukavac na osnovu člana 109. stav (2), Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev pravnog lica „PGL-PROTECT” d.o.o., Lukavac za izdavanje prethodne vodne saglasnosti za izgradnju objekta čija je namjena skladištenje materijala i gotovih proizvoda-guma u naselju Bistarac na zemljištu označenom kao k.č. broj: 2365/1 i 2366 K.O. Bistarac, Grad Lukavac, s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.

Obrazloženje

Pravno lice, „PGL-PROTECT” d.o.o., Lukavac svojim zahtjevom zaprimljenim 06.02.2024. godine, zatražio je izdavanje prethodne vodne saglasnosti za izgradnju objekta čija je namjena skladištenje materijala i gotovih proizvoda-guma u naselju Bistarac na zemljištu označenom kao k.č. broj: 2365/1 i 2366 K.O. Bistarac, Grad Lukavac.

U provedenom postupku dostavljena je i pregledana sljedeća dokumentacija:

- Ovjerena kopija Aktuelni izvod iz sudskog registra od 15.01.2024. godine izdato od Općinski sud u Tuzli;
- Ovjerena kopija zemljišnoknjižnog izvotka broj: 126-0-NAR-23-004134, zk uložak broj: 167 od 20.12.2023. godine izdato od Općinski sud u Lukavcu;
- Ovjerena kopija zemljišnoknjižnog izvotka broj: 126-0-NAR-23-004135, zk uložak broj: 1178 od 20.12.2023. godine izdato od Općinski sud u Lukavcu;
- Ovjerena kopija Izvod iz prostornog plana općine Lukavac broj: 05-19-3636/23 od 12.09.2023. godina izdato od Službe za urbanizaciju, imovinske i geodetske poslove, Grad Lukavac;
- Ovjerena kopija Uvjerenja da se objekat ne nalazi u blizini sanitarne zaštite, izvorišta vodosnabdjevanja ali se nalazi u blizini drugih vodnih objekata „Stalni tokovi” broj: 05-19-3636/23 od 13.09.2023. godina izdato od Službe za urbanizaciju, imovinske i geodetske poslove, Grad Lukavac;
- Ovjerena kopija Mišljenja broj: 05-19-3755/23 od 20.09.2023. godina izdato od Službe za urbanizaciju, imovinske i geodetske poslove, Grad Lukavac;
- Studija za prethodnu vodnu saglasnost za poslovni objekat (Namjena: skladište materijala i gotovih proizvoda) u naselju Bistarac, Grad Lukavac, broj: 149/2023, Januar 2024. godina urađena od „TZI-INŽENJERING” d.o.o., Sarajevo;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, mišljenja tehničke struke i dostavljene tehničke dokumentacije utvrđeno je slijedeće:

- Na predmetnoj lokaciji na zemljištu označenom kao k.č. broj: 2365/1 K.O. Bistarac izgrađen je poslovno-proizvodni objekat za koji je izdato Rješenje o odbijanju broj: UP-1/21-3-40-366-2/23 dana 25.08.2023. godine od strane Agencije za vodno područje rijeke Save, Sarajevo.
- Izgradnja objekta čija je namjena skladištenje materijala i gotovih proizvoda-guma u naselju Bistarac je samo dogradnja postojećeg poslovno-proizvodnog objekta.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Na osnovu provedenog postupka, a shodno odredbama člana 109. stav (2), a u vezi sa članom 111. Zakona o vodama utvrđeno je da predmetna aktivnost ne može trajno, povremeno ili privremeno uticati na promjenu režima voda, te je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić DŽ., dipl.iur.

Po ovlaštenju
Rukovodilac sektora za zadržavanje vodnih akata

Haris Ališehović
Haris Ališehović, dipl.inž.građ.



Dostaviti:

- „PGL-PROTECT“ d.o.o., Lukavac
- Ul.Magistralni put bb, Lukavac
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava